

Gobierno lo ahusta a fianza pa studiantenan local?

Debi na Baluta di Euro Buki pa studiantenan Universitario a bira doble di caro

ORANJESTAD (AAN)-- Informacion cu DIARIO ta dispone di dje ta indica cu diabierna atardi, Universidad di Aruba a manda e lista di buki pa loke ta trata Facultad di Ley, na e compania situa na Wilhelminastraat cu semper ta bestel e bukinan pa studiantenan di Universidad. Den e transcurso di e siman aki e compania lo tuma contacto cu e imprenta concerni na Hulanda pa por pone riba e lista e prijs di cada buki.

Segun e informacion cu DIARIO a haya e costo di e bukinan pa studiantenan Universitario, a bira doble na Hulanda, y aki na Aruba ya caba e studiantenan di Economia di UvA a constata cu prijs pa buki ta dos biaha mas caro cu aña pasa. Studiantenan di Facultad di Ley por spera mescos.

Como na Hulanda tur cos a subi di prijs buki en general a bira casi un articulo di luho, y

sigur bukinan escolar. Ta parce cu Aruba tin un handicap grandi ya cu nos florin ta mara na dollar, y tur gasto cu mester haci na Euro ta desfavorable pa nos pais, y e aumento den e costo di e bukinan pa e aña aki, ta debi precisamente na e baluta di

Euro. Esaki ta duna indicacion cu e suma cu studiantenan di Universidad lo haya di gobierno, lo no yega pa completa nan pago di bukinan. Ya caba Gobierno a ahusta e fianza di estudio pa nos studiantenan cu ta na Hulanda, y e

pregunta ta si tambe gobierno lo ahusta e suma pa e studiantenan cu ta sigui estudio superior localmente, mirando cu nan no tin otro opcion cu haya nan buki for di Hulanda, y cu si añanan anterior e placa a yega net net, e aña aki e lo no ta suficiente mas.

Opinion Publico

Restaurantnan cu keda cu 15% lo no sobrevivir

ORANJESTAD (AAN): E turistanan nobo cu Aruba ta ricibiendo, ta yega Aruba cu nan notebook y tambe palm-pilot yen di informacion en cuanto cual Restaurant nan ta bay bishita.

A resulta cu nan ta prescreen e restaurantnan via Internet, y finalmente ta escoge esnan cu NO ta cobra nada di Service-Charge.

Aunke DIARIO a skirbi riba esaki den pasado, Dialuna atardi a ricibi confirmacion cu keto bay e cantidad di turistanan "Anti-Service Charge" ta creciendo.

"Nan sa cu ta ladronia e ta!" un ciudadano local a informa DIARIO. El a muestra cu e ta ricibiendo comentario directamente di turistanan.

E ta pronostica, cu pronto e negoshinan cu keto bay ta cobra 10% of 15% di Service-Charge lo bay nota caida den cantidad di turista.

Fuera di esey, pa hopi

tempo por tende trahadornan keha cu e Service Charge ey ta stroba nan di haya extra-tips. Nan no ta gana un salario cu por biba di dje. E cachi-cachi di tips ta loke ta cubri pa nan salario. Pero awor turistanan ta paga e 15% Service Charge, pero laga nada di tips atras. A lo largo e por produci un 'waiter disgusta' tambe.

Hendenan a keda 1 ora largo stagna den Parkinglot

ORANJESTAD (AAN): Dialuna anochi yamadanan a cuminsa dreña na DIARIO. Na prome instante, a kere cu kizas ta algo 'chikito'. Pero ora cu mas yamada a sigui dreña, a bin nota cu di berdad tin hende stagna pa como 1 ora caba den Parkinglot di Aeropuerto Internacional Reina Beatrix.

Tur esey debi cu Parkinglot a yena di hendenan cu a bay Aeropuerto pa busca nan sernan keri cu ta bin for di Hulanda cu KLM.

Pero e alegria, sacamento di foto, y sunchimento cu tur hende a pasa aden na e Sala di Yegada, a desaparece ora cu tur hende a bay back pa nan auto, hinca male-

ta den baul, y despues busca forma di sali.

Asina hopi hende a aglomera, di tal forma cu ta via di un movimiento 'trickle', e autonan tabata sali di parkinglot.

Un solo salida, pa asina hopi auto. Hendenan a sinta, fada, y hasta bira furioso wardando. Por lo menos 2 persona a puntra kico nan mester haci pa skirbi un Remitido den DIARIO contra esaki.

Algun a expresa nan disgusto na DIARIO, usando nan Celular. Nan no tin fin di yega. Un colega den prensa tambe tabata mey-mey di e multitud, y el a confirma cu nan a keda 1 ora largo wardando pa por sali. Un ora largo perdi di nan bida.

E COCO TA ZUMBAAOOOO!!



E CD PA COMPUTER CU WEGANAN POLITICO ARUBANO TA OBTENIBLE NA CAMACURI SNACK PARIBA DI VELD DI CLUB CARIBE Y TAMBE NA TUR CHECKPOINTCOLOR. PA INFO Y DELIVERY YAMA TEL: 5828006 WWW.WEGAWEGA.COM

BEST DEAL
Tel: 5827100
(Pariba di Aruba Bank, Paradera)

BEST SHOPPING DEAL
Turibana Plaza
Tel: 5865455

Composition Book
Afl. 1,95